



老前人心性嘉語

- ◎ 聖人之爲聖，不伐善，不自尊，不自大，不私之於己，不取勝於人，能以謙卑就下自處，不以憤高我慢爲心，譬如江海，善以卑下自安，故眾谷川流，無不歸之也。

- ◎ 修道之人，果能緊閉六門，調養神氣，眼若不視，其魂自然在肝；耳若不聽，其精自然在腎；鼻若不聞，其魄自然在肺；口若不言，其神自然在心；身若不動，其意自然在脾，意若不生，五神自然守舍，五神守舍，自然五氣朝元。

- ◎ 「善攝生者」，天理完全，道德充備，常懷容物愛物之心，素無殉物害物之念，所以「明中」，則吉人天相，出入內外，全無死地。